



UNIVERSITÄTS-
BIBLIOTHEK
PADERBORN

Universitätsbibliothek Paderborn

Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

62. Joannes VI. à Veningen.

urn:nbn:de:hbz:466:1-11463

IOANNES VII.

*Anno
Christi
1458.*

à Veningen.

Basileensis Episcopus.

LXII.

Ioanni à Veningen, qui electus 15. Maij, 1458. Basileensis Academia plurimum debet, singulari ipsius erecta studio & à Pio Secundo approbata Mantuæ 1459. & ultimo Decembr. anni 1460. Pontificiam Bullam, atque Consulis oblatam manu, in æde sacra, Ioannes Episcopali maiestate, sacrisque vestibus decorus ante aram confidens acceptat: tum disertâ oratione habitâ, Georgium ab Andlo Præpositum Cathedralẽ, primum Rectorem Academicum instituit, sibi que Cancellarij munus vendicat. Senatus deinde Basileensis ea jura studiosis & privilegia confirmavit, quibus Academiae

X 4

Bo 15

Anno
Christi
1458.

Bononiensis, Parisiensis, Colonien-
sis, Heidelbergensis, Erfordiensis,
Lipsiensis, Viennensis hæcenus frui
consueverant. Exempti præterea
studiosi ab omni tributi onere, foro-
que Civilis Magistratus, cetera ipso-
rum curâ & potestate Rectori Aca-
demico relicta. Ut verò Academia
huius perennitati abundè prospe-
ctum esset, plures Canonatus a va-
riis abiunctos Ecclesiis, eidem Aca-
demia assignavit Pontifex: duos
quidem Ecclesiæ Cathedralis; duos
item S. Petri Basileæ; quintum, Ti-
gurinæ Ecclesiæ; sextum, ex S. Vrsi
æde Solodori; septimum ex S. Mau-
ritij in Zoffingen; octavum ex S.
Martini Colmaria; ultimum deni-
que ex S. Vrsicino.

Bono tandem rei Oeconomicae
successu auctior factus, & jam sat
nummatus Episcopus, utiliter, quæ
collegerat, impendit variis per Dice-
cesin

cesin locis renovandis, pretio quin- *Anno*
quaginta millium florenorum. Nec *Christi*
minima laudis pars fuit, Bruntru-
tum à Comite Monbelgardensi re-
demisse, arcemque à fundamentis,
pleraque quam nunc cernimus stru-
ctura exædificasse.

Anno 1466. Sigismundum Ar- ^{1466.}
chiducem Austriæ, ubi ludicris exer-
citationibus sat recreasset Basileensi-
um urbanitas, Episcopus Ioannes
comitari voluit, cum eo Argentora-
tum usque profectus, eâ mente, ut
negotia litigiosa componeret inter
Palatinum, Marchionem Badensem
& Comitem VVirtembergensem,
quos prælio victos Palatinus in ca-
ptivitate detinebat.

Anno 1468. exacerbati contra vi-
cinos Nobiles Mülhusiani, per fœ-
dus ictum cum Bernensibus & So-
lodoranis, meditato bello prælu-
dunt: ac tum exercitum ex 14 Hel-

Ann.
Chr. st.
1406

vetiorum, sibi maximè, foederatorum millibus conflatum in Sundgoiam Alsatiámque inducunt. Post exultas arces aliquot & pagos (quæ tum temporis detestanda bellandi ratio erat usitatissima) obsidium VValdshuto admovent, donec ad solvendam urbem appropinquante cum exercitu Sigismundo, Palatini, Episcoporumque Argentoratensis, & Basileensis interpositâ fide, ita tandem conventum utrimque, ut Helvetiis pro belli sumptibus decem florenorum millia numerarentur. At Sigismundus Archidux in longinquum prospectans, prudenter veritus, ne arduum sibi deinceps cum bellicosa gente negotium foret, & eas ditiones retinendi difficultas, cum arreptæ de lana caprina tricæ mille belli recrudescentis ansas obviam habeant, statuit post maturam deliberationem, Comitatum Pfortensem

tensem, Alsatiam Brisgoiam cum ^{Anno} ^{Christi}
Sylva Hercynia oppignorare (cum
pacto tamen liberæ redemptionis)
Carolo Pugnaci Burgundiæ Duci,
cuius potentiam armorumque felicitatem irritare, inconsultum iudicarent Helvetij. Vbi Principum mutuus adfuit consensus, anno 1470. ineunte Iunio, incolæ sacramentum dicunt Comiti ab Hochberg, absentis Caroli vices tenenti, novusque his ditionibus constituitur Præfectus, Petrus ab Hagenbach.

Anno 1471. Nicolaus de Rupe ¹⁴⁷⁰
Subsylvan⁹ in Helvetia, relictâ patria, prope Leucostabulum, in Rauracis stabilem collocare sedem decreverat: divino tamen monitu in patriam regressus, quam veteres sanctitate celebratissimi Anachoretæ ducebant vitam, instituit, in solitudine & societate sanctitatis exemplar admirandum, abstinentiæ non humanæ
sed

Anno
Christi
1470.

sed Angelicæ prodigium, ut qui post
cibi Eucharistici gustum, viginti an-
nis omnem alium humanum cibū
nausearet. Sed & aliis miraculis, ac
vaticiniis patriam, totamque Helve-
tiam illustravit.

Anno 1471. Fridericus Imperator
Ratisbonæ Comitia indicit, ut in
hostem necessariū Turcam junctis
totū Imperium ferretur viribus. Io-
annes Episcopus in communi causa
ne suis deesset partibus, Ratisbonam
& ipse unā cum Basileensi Consule
Ioanne à Bärenfels properat, interfu-
turus Comitibus, quorum tamen ope-
rosa illa consultatio in fumum ina-
nem evanesceret.

Anno 1473. Fridericus Imperator
compositis cum Palatino negociis,
iter per Brisgoiam faciens, à Basile-
ensibus per urbis Consules & Nobi-
les aliquot viros officiosè invitatur.
Cæsar ea captus humanitate, se mox
adfore

adfore condicit. Erant in ipsius
comitatu Maximilianus filius, Adol-
phus Elector Moguntinus, Vefonti-
nensis Archiepiscopus, Erasmus
Eichstadianus, Albertus & Ludovi-
cus Bavarix Duces, frater Imperato-
ris Turcarum, legatus Pontificius,
& Caroli Ducis Burgundix legatus
&c. præter longam sexcentorum
equitum appendicem. In urbis
conspectum ubi se dedit tantorum
hospitum splendor, Episcopus cum
Clero obviam procedit, cantuque
solenni, in Cathedrali Ecclesia salu-
tatum, in suum palatium Cæsarem
deducit. Postridie cives munera
Friderico Imperatori offerunt non
spernenda: aureos mille in scypho
deaurato, centum avenæ faccos,
quindecim vini dolia. Maximilia-
no filio in cratere argenteo quin-
gentos aureos, avenæ faccos quin-
quaginta, quinque vini dolia. Qui-
bus

Anno
Christi
1470.

Anno
Christi
1470.

bus donis animum suum in Cæsaream domum contestati, fortunatum ipsis adventum bene precarentur. Post honoris mirificas significationes, discessum Cæsaris Petrus ab Hagenbach, & ipse Dux Carolus cum equitum manipulo profecuti sunt. Qua Dux occasione mentionem ingessit nuptiarum filiaë Mariæ Burgundiæ hæredis, & Maximiliani Principis Austriaci. Petebat ad hæc ab Imperatore, ut se Regem Burgundiæ, Imperiique Vicarium promulgaret. Fridericus, qui Caroli pernôset ingenium, ambitionis immodicum, & à quo nihil admodum alienum esset, per has nuptias viam sibi sternere ad Imperatorium diadema, dissimulato responso, & insulutato Duce, clam navi conscensâ dilabitur. Carolus repulsam hanc passus, numeratis quinque millibus equitum, sub ipsas Natalitias ferias,

in

in suam pergit Burgundiam, Iustraturus inde Alsatiam & oppignoratas sibi ditiones. Solum Pugnacis nomen, ob maximam sanè potentiam & fortunam supra ætatis suæ Principes faventissimam terrori erat. Et quem amabant pauci ambitione insolescentem, officiosa tamen necessitate salutabant omnes passim. Brisaci certè, tantisper agentem legati Principum, Civitatùmque haud parvo affluxu conveniunt, Episcoporum quidem Spirensis & Basileensis, Principùmque Badensis Marchionis, & Palatini. Paucis post diebus 3. Januarij 1474. Monbelgardo Vefontionem contendit, liberatâ metu per eius discessum viciniâ. Interim Caroli nomine, ditionum oppignoratarum Præfectus ab Hagenbach impotenter in dies magis ac magis imperitans, tyrannicâ sævitie subditos premebat. Querimonias

Anno
Christi

1474

nias

Anno
Christi
1474

nias illi apud veterem Dominum Sigismundum Archiducem deponunt. In miseros commiseratione tactus Archidux, malo remedium quærit, foedus cum Helvetiis, Episcopis, Argentoratensi & Basileensi, Civitatibus Argentorato, Basilea, Colmaria, Selestadio &c. ut viribus & animis confociatis, communem hostem propulsarent, si quid moliretur. Ita subscribunt 25. Martij Constantiæ, & mox Archidux per tubicines Carolo significat, paratum se octoginta florenorum millia, ob acceptum ditionum suarum pignus (quas intolerabili jugo pressas repeteret) repræsentare, si suos Carolus quamprimum abduceret præsidarios, & præfectos amoveret. Neutrum præstitit ille, sed irâ effervescentes, tubicines in custodia aliquandiu detineri præcepit. Sigismundus interim suarum ditionum
inco-

incolas sacramento Duci Burgundia^e præstito exsolvit, liberos pronunciat, & quod ipsi optabant, novo jureiurando fidem ipsi suam obstringunt. Petrus ab Hagenbach gravium scelerum reus, capite minuitur. Fortunâ suâ & potentiâ hactenus inconcussâ fretus Burgundus bellum denunciât Sigismundo & fœderatis ipsi Helvetiis, extremum sibi & fatale. Primos impetus & bellicum furorem instructissimi exercitûs Gransonium oppidum ad lacum Neoburgensem situm excepit; sed qui Helvetiis deprecantibus aures surdas & inexorabiles præbuerat, immensam pecuniæ vim primo fugatus prælio, secundo ad Moratum dare manus victas, tertio denique ad Nanceium vitam ponere debuit, Helvetiis opportunè Renato Lotharingiæ Duci ad victoriam plurimùm conferentibus. Vnde,

Anno
Christi
1474.

Y

Ca.

Anno
Christi
1474.

Caroli adversam triplici casu fortunam vetus illud & vulgatum distichon expressit.

*Oppida trina tibi Dux Carole dira
fuerunt*

*In nummis Granson, grege Murten,
corpore Nancey.*

Basileensis Episcopus, ut durante triennali hoc bello adversus Burgundorum incursiones tutus esset, in arce & oppido Bruntrutano, firmiter munitus præsidio se continuit, donec vertente anno 1476. acturus de communi pace cum Apostolico Nuncio, suam revisit Basileam. Confecta ibi pacificatio, Archiepiscopi Vefontinensis interpositu, inter Comites Blamont & Episcopum Basileensem, qui ditionem Comitum jure belli occuparat. Blamont Comitibus reddita. Reliquæ

quæ arces Metsch, Franquemont & Trilleberg, in potestate Episcopi retentæ. His denique aliisque post bellum actis, morbo correptus paucis ante Natalem Domini diebus animam egit, Bruntruti in sua arce, anno 1478. annorum viginti Episcopus.

Cadaver ipsius, ut ipse vivus testamento fieri mandaverat, Basilicam deportatum est, ad ipsum chorum templi Cathedralis inhumandum.

CASPARVS

Ze Rhein.

1479?

Basileensis Episcopus.

LXIII.

ANNO ætatis 46. Casparus Ze-Rhein Episcopum induit, 4. Ianuarij, Anni Christiani 1479. lectus à Canonicis, & Pentecostes die, festivo apparatu inauguratus ab Episcopo

Y 2

sco po